



Cyber napadi na online medije ugrožavaju slobodu medija u BiH

Nakon nedavnog hakerskog napada na medijske portale Žurnal i Buka, Misija OSCE-a u BiH, Delegacija EU u BiH i Ured specijalnog predstavnika EU za BiH, Ambasada Velike Britanije u BiH, Ambasada SAD u BiH i Ured visokog predstavnika pozivaju nadležne organe u Bosni i Hercegovini da pokrenu istragu svih napada na internet stranice medija, jer ovakvi napadi predstavljaju jasnu opasnost po slobodu medija.

Cyber napadi poput ovih ograničavaju slobodu medija i slobodan protok informacija, suštinske komponente svakog demokratskog društva.

Institucije vlasti dužne su zaštititi slobodu štampe, a policijski organi i pravosudne institucije imaju obavezu da provedu detaljnu istragu svih napada na medije, uključujući tu i cyber napade.

Svjedoci smo eksponencijalnog rasta broja napada i stoga pozivamo vlasti u BiH da osnaže svoje strukture i sposobnost da otkriju, suzbiju i istraže sve cyber prijetnje i napade.